

存

悔

齋

集

存悔齋集卷二十一

萍鄉劉鳳誥金門

集杜詩

北征二百十首

述忝

朝廷舊

殊恩且列卿
高空得蹭蹬
身上愧簪纓
老去參戎幕
人來故北
征邊城有餘力戀

主寸心明

禮樂攻吾短
文章敢自誣
脫身亦奔竄
削迹共艱虞
結舌防讒
柄微聲及禍
樞明明領處
分便道卽長驅

傲裘逐徒旅適遠更霑襟忍爲塵埃沒無辭荆棘深功名不早
立出處遂何心語及

君臣際

皇天寔照臨

不忍便永訣況懷辭大臣

寬容存性拙慘澹向時人關塞三千里衣冠八尺身流離

主恩厚意苴謗何頻

狂走終奚適斯文去矣休厭階初負謗疾惡信如讐守道不封
已檢身非苟求囊空恐羞澀誰憫敝貂裘

一望幽燕隔雲深黑水遙風波空遠涉日月不相饒青海無傳
箭高天憶射雕嚴程到須蚤涼氣晚蕭蕭

不意書生耳飄飄征戍人佩刀成氣象拖玉豈吾身俗態猶猜
忌行高無污真百年賦命定念此別驚神

尙媿微軀在豈知身効能自傷甘賤役時論以儒稱罪戾寬猶
活蘄危氣益增石門霜露白誰敢問

山陵

望石門略
泣拜東行

先帝嘗特顧美名光史臣奮飛超等級鏤骨抱酸辛必驗升沈
體兼全寵辱身

鼎湖龍去遠嗚咽涕沾巾

獻納開東觀鈎陳出

帝畿登階捧

玉冊正殿引朱衣

奉

敕纂進
純廟實錄

盛業今如此

馨香舊不違官臣仍點染還見

五雲飛

萬歲蓬萊日

恩傾雨露辰

巳巳十月在
擯不得行禮

文章憎命達感激異天真

朗鑒存愚直浮生有屈伸方知不材者上古葛天民

適越空顛躓虛懷只愛才反爲後輩褻任受衆人哈淑氣含公

鼎文章落上台獨慙投漢閣心死著寒灰

奉

詔發金微天寒行旅稀亂雲低薄暮邊日少光輝生死向前去
飄零何處歸高風下木葉故就別時飛

終日憂奔走勞生其幾何蒼茫問家室寂寞向山河行路難如
此歲寒心匪他長城掃遺堞慘慘暮雲多

溟漲鯨波動飄風爭所操五雲高太甲百里見秋毫未必不爲
福此身何太勞寒蕪際碣石利涉想蟠桃

勝決風塵際殘雲傍馬飛還聞獻士卒何得迂

天威百萬傳深入星辰屢合圍煌煌

太宗業社稷一

戎衣

明兵拒戰松山杏山
一舉殲滅恭本

太宗
御製書專篇

鼎食分門戶淹留戰伐功百年從萬事一國實三公

勝朝內狃
晏安外爭

門戶致底債亡恭讀
聖製集中屢申殷鑒

寇盜狂歌外

謂閩
難

乾坤震蕩中乞降

那更得片片晚旗紅

開闢乾坤正風雲地一隅戰連層齒國

威定虎狼都

謂撫定蒙古諸部

春草何曾歇人煙時有無平沙列萬幕

馳背錦糶糊

將帥接幽薊高官皆武臣願隨金騾裹休作畫麒麟

北闕心長戀南陽氣已新潛身備行列嚮者玉珂人

絕域三冬暮浮雲終日行地卑荒野大沙亂雪山清卽事壯重

險相過問

兩京

盛京興京

朝儀限霄漢千騎把霓旌

行色遞隱見關山空自寒無人覺來往豈敢惜凋殘鶴下雲汀

近龍依積水蟠雄都元壯麗阜尾掣旗竿

落落羣松直迢迢天漢東

松花江一名天江發源長白山頂

關雲常帶雨春谷

遠含風雖對連山好初看浴日紅由來強幹地將欲倚旌桐
蕭瑟論兵地古人重守邊清關塵不雜謫宦兩悠然手畫三軍
勢心蘇七校前吾非丈夫特寶劍欲高懸

寒木累旌旆嚴城疊鼓鞞勿云俱異域誰愍強幽栖乳贄號攀
石蒼鷹飢啄泥黃塵翳沙漠迴復意猶迷

其俗善馳突始聞蕃漢殊此邦今尙武壯士恥爲儒但整銅壺
箭能騎生馬駒天寒大羽獵毛血灑平蕪

小將盈邊鄙轅門照白袍生涯抵弧矢奴僕且旌旄慣習元從
衆藏身方告勞漁陽豪俠地利器當秋毫

吹角向月窟喧呼聞點兵雲深驃騎幕地入亞夫營好武寧論
命防邊不敢驚勞心練征戍萬里可橫行

破的由來事挽弓當挽強登危聚麋鹿引臂落鵝鷓我本良家
子可憐馬上郎幾時陪羽獵努力事戎行

束帶還騎馬抨弓落狢語竹批雙耳峻槍急萬人呼途遠欲何
向低垂氣不蘇短衣防戰地爲我指山隅

重憶羅江外川原紛眇冥甲兵分

聖旨大將赴

朝廷碑版照四裔風雷搜百靈至今殘破膽不異在郊坰

聖

祖平定羅刹徹兵後與俄羅斯劃界立
碑于雅克薩江岸今歲歲祭邊惟謹

永與奧區固虛修水戰船下臨千雪嶺自有一山川

外興安嶺
卽老羌邊

境老馬夜知道黃羊飢不羶

皇輿三極北人憶止戈鋌

多壘滿山谷無人碧草芳誰能解金印此物在沙場處處喧飛

檄迢迢滯遠方亂麻屍積衛引古惜興亡

嘉慶四年布特哈墾地得明故印文曰朶

顏衛千戶

所百戶印背識洪武

二十二年禮部造與明史合

偏仄何偏仄出門復入門幽栖身嬾動懷古意空存雪嶺界天

白城陰帶水昏血埋諸將甲應有未招魂

能事閒重譯邊隅今若何知音兼衆語喧靜不同科

邊人重國語兼習蒙

古索倫達呼爾語間有通俄羅斯語者

意答兒童問還聞賓客過殊方聽有異且

得慰蹉跎

屢得飲馬窟北風天正寒霜嚴衣帶斷雪重拂廬乾自古幽人
泣猶嗟行路難栖遑分半菽使我不能餐

日色隱孤戍城頭烏尾訛牛羊歸徑險魑魅喜人過垂淚方投

筆銜枚有荷戈悲笳數聲動最奈客愁何

故使籠寬織何當有翅翎北庭送壯士南斗避文星獄訟永衰

息祆氛盡杳冥

年來殄滅邪盜
餘匪悉徙此

至尊方旰食治國用輕刑

自古有羈旅三軍同晏眠如何久磨礪慙擬控鳴弦蘆酒多還
醉河魚不取錢我生無倚著空覺在天邊

問俗營寒事雞棲草屋同應過數粒食猶作一飄蓬井渫泉誰
汲爐存火似紅何鄉爲樂土荒微尙彎弓

伐木者誰子颼颼林響交連天走穹谷凍雨落流膠礎潤休全
溼厨煙覺遠庖負暄候樵牧出郭眺西郊

井屋有煙起萬家雲氣中青黃歲寒後質朴古人風飯糲添香

味誅茅問老翁本無丹竈術飲咏幾回同

關外每竈聚多處卽成聚落

客子庖廚薄佇聞秔稻香清晨送菜把禮過宰肥羊一飽迹便掃多憂增內傷浮生難去食自適固其常

新麵來近市廚人語夜闌已應春得細此足代加餐裂餅嘗所愛焦糟幸一杵吾安藜不糝恐致稻梁難

香美勝牛乳春風啜茗時無勞映渠盃正想滑流匙筒桶相沿久開樽獨酌遲濁醪誰造汝勸醉欲無辭

俗重熬茶日喀喇釵酒曰阿爾占皆熟牛

馬乳所成

遠遊令人瘦客子鬪身強策杖時能出寒衣寬總長不關輕紱冕且復過炎涼世路知交薄黃冠歸故鄉

有士荷矛載取笑同學翁得辭兒女醜勿替丈夫雄流轉依邊

微蹉跎效小忠高官何足論蕃馬挾彫弓

折節萬夫後信甘孱懦嬰方圓苟齟齬黑白太分明放逐寧違性幽居不用名每愁悔吝作深覺負平生

名豈文章著驅馳喪我真猶殘數行淚有愧百年身空裏愁書字回頭錯應人勞心依憩息絕域望餘春

萬象皆春氣冰霜昨夜除羈栖愁見裏跋涉體何如劍動親身匣門聽長者車頌椒添諷詠幾地別林廬

羌婦語還笑羌兒青兕裘昏霾一空濶春氣漸和柔畫地求所歷少人慎莫投古來於異域亦可縱冥搜

東來萬里客筋力不辭煩君見途窮哭吾知拙養尊轉蓬憂悄悄關輔遠昏昏

天子多恩澤歸期未敢論

生我不得力不及父祖塋歸號故松柏春遠獨柴荆白日亦冥
冥青山空復情惡名倖脫免存者且偷生

兄弟分離苦暮途涕泗零漸衰那此別醉舞爲誰醒天上多鴻
雁原情類鵲鴿望鄉應未已豈食楚江萍

結髮爲妻子其如有別離舉家聞若駭吾道竟何之行李須相
問歸期要早知尺書前日至頗覺寄來遲

異俗可吁怪我何隨汝曹吞聲混瑕垢獨委蓬蒿老去聞悲
角花時甘緼袍遙憐小兒女只待獻春醪

不復夢周孔斯文憂患餘哀歌時自短高枕乃吾廬失學從愚
子鈔詩聽小胥盡捨書籍賣只有不關渠

陳迹隨人事何須白髮侵
笑時花近眼恨別鳥驚心
坐接春盃氣乃知東極臨
關山雪邊看獵火著高林

壯志學書劍吳門興杳然
自須開竹徑遙憶舊青氈
憂我營茅棟歸山買薄田
何時一樽酒送老白雲邊

正解柴桑纜因人作遠遊
蛟鼉好爲崇宇宙此生浮
死去憑誰報移時獨未休
九江春草外回首得無憂

南爲祝融客過我蒼梧陰
秋水漫湘竹寒山落桂林
歸朝送使節感激在知音
五嶺炎蒸地終然學越吟

鄂渚分雲樹輝輝星近樓
江濤萬古峽天地一沙鷗
自到青冥裏皆傳玉露秋
楚材擇杞梓吾道付滄洲

若舞風雩至濟南名士多
論文或不媿與道氣相和
造化鍾神

秀英賢遇輒軻持衡留藻鑑君子意如何

憶戲東嶽陽隨雲拜東皇百靈未敢散萬古永相望俯視但一
氣端憂問彼蒼明霞爛複閣眞宰意茫茫

挂席窮海島汎海陵蓬萊清風爲我起霧裏仙人來冉冉自趨
競茫茫何所開洪濤隱語笑暫借上天回

當代論才子眼中萬少年皇華吾善處鍾律儼高懸俊拔爲之
主逢人問幾賢永懷江左逸夜隔孝廉船

汎汎淪江槩天台總映雲浮生有蕩汨秋興坐氛氳疑惑尊中
弩操持郢匠斤臨岐別數子重與細論文

去掉依顏色青袍也自公共傳收庾信眞怯笑揚雄歸路非關
北愁時獨向東此生遭

聖代不擬哭途窮

是非何處定曲直我不知世人共鹵莽君子強逶迤交態遭輕薄名聲豈浪垂篋中有舊筆未許七哀詩

故舊誰憐我如今契濶深索居尤寂寞感動一沈吟卻寄雙愁眼猶傷半死心時聞有餘論公輩不偷金

眼復幾時暗心從弱歲疲少須顏色好何用羽毛奇薄俗防人面論文笑自知不才甘朽質荅效莫支持

原野轉蕭瑟松林駐遠情貧知靜者性老逐衆人行尙想東方朔還尋北郭生五陵花滿眼衣馬自肥輕

謾道春來好今春看又過直爲心厄苦亦恐歲蹉跎蕭蕭花絮晚飛飛蠶蝶多隣人有美酒重惠意如何

冉冉柳枝碧空然惜別離相逢恐恨過老去願春遲百舌來何處繁花能幾時物情猶可見人有甚於斯

生理焉能說茫茫大造間且將葦度日相勸酒開顏多難身何補春歸客未還暗塵生古鏡休鑷鬢毛斑

平明跨驢出白幘岸江舉行潦相扈蹙長風中怒號開顏憩亭沼滿眼送波濤戲問垂綸客猶能掣巨鰲

復作歸田去躬耕也未遲牧童斯在眼界老復何知花葉隨天意柴荆學土宜吾衰尤拙計拄策忘前期

飛雨霽而至雨聲先以風雷霆走精銳龍駕具層穹農事空山裏形骸痛飲中黎民糠粃窄憂國願年豐

巫咸不可問今日復悲歌山鬼迷春竹幽人泣薜蘿風騷共推

激來往亦蜩波無使鮫龍得投詩贈汨羅

巾拂那闕眼炎天避鬱蒸何由灑衣袖未敢闕緘騰想見陰宮
雪目存寒谷冰平生白羽扇天地有青蠅

瓜熟亦不早吟詩秋葉黃色侵書帙晚陰益食單涼心在水精
域味如甘露漿恨無抱瓮力疎懶意何長

今日看天意何時免客愁七星在北戶大火復西流玉露團清
影迴風吹早秋斗斜人更望蕭瑟倚朱樓

浩歌淥水曲日夜偶瑤琴側想美人意况經長別心玉杯久寂
寞月彩靜高深天上秋期近愁來遽不禁

虎氣必騰上龍吟迴其頭經過辨榔劍含笑看吳鉤星落黃姑
渚天高白帝秋丹心老未折何必淚長流

熊挂元蛇吼天清木葉閒流霞飛片片涼月白紛紛廢邑狐狸
語全生麋鹿羣空鞍貫雙箭愁煞李將軍

本是池中物胡爲慕大鯨窮途愧知己久客惜人情身世雙蓬
鬢邊秋一雁聲江湖後搖落歎使寸心傾

漸喜交遊絕知予嬾是真天邊長作客儒術豈謀身才淑隨厮
養愚蒙但隱淪流年疲蟋蟀牀下夜相親

客睡何曾著秋天昨夜涼時清疑武畧惜別倒文場貝錦無停
織珠明得暗藏共誰論昔事欲罷不能忘

相閱征途上艱難帶減圍終悲洛陽獄永息漢陰機落日思輕
騎哀歌歎短衣浪傳烏鵲喜有意待人歸

妻子寄他食姑蘇落海邊誰能久不顧爲爾獨相憐白髮煩多

酒燈花委半眠夢歸歸未得昨夜月清圓

不見秋雲動何曾夜色闌當歌欲一放攜酒重相看明月生長
好天風吹汝寒勸君休歎恨雙照淚痕乾

舊采黃花賸相迎自醺醅如今九日至難得一枝來風雨嗟何
及郊扉冷未開主稱壽尊客會有故人杯

令節成吾老高秋此日生何心託榛梗誰欲討尊羹鴻雁幾時
到雲霞過客情男兒行處是漂泊問君平

俯仰悲身世祗看座右銘鬢毛元自白編簡爲誰青倚著如秦
贅充饑憶楚萍百年嗟已半結託老人星

本自依依葉禪龕只晏如興移無灑掃客至罷琴書前佛不復
辨人生亦有初方知象教力重此憶吹噓

聖哲垂彖繫儒流不異門
迎身知損益作客信乾坤
繫馬林花動讀書秋樹根
載聞大易義妙絕與誰論

已近苦寒月

君恩北望心艱難
昧生理骨月失追尋
戍鼓猶長擊家書抵萬
金城烏啼眇眇遠附白頭吟

辛苦三城戍天山早挂弓
寒沙蒙薄霧急雪舞迴風
貔虎閒金甲驚駘怕錦幃
他鄉閱遲暮談笑偶然同

幽意忽不愜二年客東都
丹砂負前諾碧海挂新圖
正枕當星劍空知賣酒墟
無才逐仙隱懶計却區區

正月喧鷺未迷方著處
家別離驚節換倏忽又春華
萍汎無休日椒盤已頌花
去年梅柳意目斷更雲沙

二月頻送客風塵豈駐顏空村惟見鳥春火更燒山漢節梅花外孤城石谷間遙知簇鞍馬鐵鎖欲開關

三月桃花浪扁舟意不忘故人從此遠春色是他鄉川路風烟接歸軒錦繡香如行武陵暮沙岸繞微茫

四月熟黃梅高城烟霧開忘機對芳草隨意坐莓苔賤子何人記行軍數騎來江邊踏青罷處處接金杯

楊柳枝枝弱陂塘五月秋正愁聞塞笛他日訪江樓水落魚龍夜山添雨雪流莫須驚白鷺駐馬問漁舟

六月風日冷朱炎安在哉今朝好晴景昨夜有奔雷微麥早向熟林花落又開圓荷想自昔迴畧大荒來

南方六七月憶昔好追涼醒酒微風入迴舟一水香竹深留客

處花嶼讀書牀莫話清溪髮江邊問草堂

八月自知歸鄰家問不違雙雙新燕子一一背人飛塞雁與時
集昏鴉接翅稀秋分客尚在復作掩荆扉

綴席茱萸好清霜九月天夜闌更秉燭衣冷欲裝緜採藥吾將
老寒花亦可憐如何關塞阻把酒意茫然

十月山寒重青熒雪嶺東凍泉依細石落木更高風空外一鷺
鳥臂懸兩角弓獵人吹戍火絕境與誰同

荒村建子月疊嶺宿霾雲天地身何在陰晴屢不分朔風鳴浙
浙大雪下紛紛自笑燈前舞愁多任酒醺

臘近已含春荒城繫馬頻窺身迹非隱道屈善無鄰草木歲月
晚江山憔悴人寒天留遠客時過憶松筠

少壯樂難得小兒成老翁將衰骨盡痛苦恨耳多聾過懶從衣
結更長愛燭紅乾坤莽迴互愁坐正書空

藥許鄰人刷

土亦產

看山仰白頭神農極闕漏服食寄冥搜醜動

龍蛇窟移因風雨秋方期拾瑤草東盡白雲求

木雜古今樹千山空自多雪崖纔變石塞水不成河

窩集中年久木多變

石巧刮造化窟青看雨露柯猶含棟梁具生長漫婆娑

不見石與土

平埜皆沙壘無片土寸石管子所謂五福也

秋沙亦少泥野人寧得所

物理直難齊有客過茅宇清風獨杖藜古苔生迳地須汝故相
攜

瘦地翻宜粟防邊舊穀屯就糧近故壘隨事有田園白露黃梁
熟柴門老樹村今年大作社旭日散鷄豚

驅馬一萬匹城春草木深有能市駿骨不要懸黃金束縛酬知
已馴良猶至今追風可君意逸足競駿駿

斗上振孤影舉頭向蒼天飢鷹未飽肉霜鷗不空拳易力何深
嶠狂風太放顛君看束練去四顧但茫然

三步六號叫其如儔侶稀人傳有笙鶴清曠喜荆扉石影銜珠
閣華亭入翠微傷弓流落羽何意復高飛

黃雀飽野粟驚呼熱中腸馬嘶思故樞鳥影度寒塘

布特哈語
城市馬每

秋至聞黃豆瓣兒
雀聲輒馳歸故處所向無空濶追蹤恨淼茫喚人看騷憂吾亦

離殊方

冰雪鶯難至微風燕子斜不成向南國來問爾東家春色豈相
誤吾生亦有涯誰憐一片影但恐失桃花

腸斷江城雁那堪處處聞晚來聲不絕應共爾爲羣孤負滄洲
願尙驚矰繳勤秋風動關塞相失萬重雲

態與駑駘異騎行白鹿馴

角鹿俗呼四不像能爲人負難爲一戴啖以鹽輒去哨之復自來

相就也復可憐人致此自僻遠蒼然猶出塵隄防舊風俗野飯
射麋新

羌父豪豬帽煖蒙貂鼠裘食恩慚鹵莽供給愍誅求

索倫以打牲爲業身

足五尺者人徵貂皮一每楚勒罕時至軍府納貢貂餘聽市易向苦所司苛索近則生計日充

快馬金纏轡眞

珠絡臂鞬忽看皮寢處談笑覓封侯

冬夏皆皮服人最驍勇以從征立功名爲樂

降鹵兼干帳摧鋒皆絕倫射飛曾縱控嗜酒見天真
爰業土囊口參差虎穴鄰小兒強解事手自與金銀

鄂倫春居山野易物不用銀錢或飲之酒

得輒

白刃讐不義後生血氣豪誰能卽嘖喝已是沃腥臊咄咄寧書
字悠悠見爾曹銷魂避飛鏑十里却呼號

螺蚌滿近郭環洲納曉晡如何有奇怪未必免崎嶇但自求其
穴勤人投比珠不過行

儉德棄擲傍天隅

採珠人終歲浮江上下最爲艱苦近年奉例停採

破浪南風正青山自一川洪波忽爭道下水不勞牽魚鼈爲人
得瓶罌易滿船

每四五月水牌滿盡江水微漲漁者壘集佔船自吉林來所市釜甌鐵耕諸器物各城爭購之地無陶冶故爾

雲帆轉遼海無處覓張騫

翊戴歸先主飛騰戰伐名英靈如過隙部曲異平生舊俗存祠
廟高風卷旆旌神明依正直不獨漢家營

焚香玉女跪却倚蓮華臺南海春天外金銀佛寺開穹廬莽牢

落虛殿日塵埃雙樹容聽法客從西北來

形象丹青逼雲臺引棟梁終朝走巫祝

土人謂跳薩瑪

幾日賽城隍宿

昔試安命神其思降祥鼓迎方祭鬼勿謂地無疆

不識鐘鼓饗仲尼甘旅人聖賢吾法則鄒魯莫容身降集翮翔

鳳斯文起獲麟垂之俟來者金石瑩逾新

議規廟未行文

文物多師古清談玉露繁許身一何過於道未爲尊衽褐風霜
入沈埋日月奔緣情慰漂蕩計大豈輕論

我歎黑頭白艱難懷友朋窮途仗神道灰劫問胡僧自顧轉無
趣知名未足稱彈琴視天壤終不媿孫登

炯炯一心在大哉萬古程虹霓就掌握冰雪淨聰明多被才名
悞不辭辛苦行君聽鴻雁響應悉未歸情

鼓角悲荒塞誰知百戰場清霜大澤凍秋草徧山長歎憶吟梁
父遙憐似葛強如何對搖落蕩子不還鄉

幕府籌頻問邊心此日勞虎頭金粟影左將呂虔刀壯士淚如
水使君寒贈袍涼風動萬里碣石小秋毫

出獵待明發先鞭不滯留兵戈塵漠漠控帶莽悠悠立馬千山
暮長防萬里秋狐狸何足道

天子翠雲裘

閉戶人高臥秋砧醒却聞層城臨暇景荒戍密寒雲擊柝可憐
子聽鷄更憶君空留玉帳術不必作參軍

畏虎不得語贈子猛虎行濟時敢愛死晚歲迫偷生邊酒排金
盃軍中吹玉笙梅花萬里外月是故鄉明

亦知故鄉樂故鄉不可思翠虛捐颺颺野水失蛟螭簡易高人
意流年壯士悲管寧紗帽淨念子忍朝飢

眞宰罪一雪天高難重陳放神八極外迴雁五湖春掘劍知埋
獄乘槎與問津徒勞望牛斗疲茶竟何人

只道梅花發頻抽白玉簪羈遊萬里濶雪片一冬深搖落關山
思驅馳

魏闕心幾時通薊北飄泊到如今

天寒不成寐展轉屢鳴雞散地逾高枕春風入鼓鞶形容眞潦
倒語默可端倪儻憶江邊卧歸來散馬蹄

草草頻年歲三移斗柄春萬方同送喜一氣轉洪鈞高興知籠
鳥

恩波起涸鱗客愁全爲減汨沒一朝伸

曠野號禽獸三年實飽聞貧居類村塢殊俗自人羣風磴吹陰
雪山籬帶薄雲絕知春意好何路出塵氛

慰我深相憶題書報旅人羈離交屈宋萬古重雷陳久客得無
淚他山自有春獨醒時所嫉少壯已書紳

風起春城暮春光日自濃夕陽熏細草晴雪落長松匣裏雌雄
劍掌中琥珀鍾躊躇慰羈束不敢強爲容

花月窮游宴人間好少年沈思歡會處偷眼豔陽天百寶裝腰
帶千金買馬鞭誰能共公子佳氣拂周旋

一室他鄉遠春城赴上都震雷翻幕燕歷塊匪轅駒童稚思諸
子提攜愧老夫歸期豈爛漫斟酌旅情孤

小子何時見前年學語時
憶渠愁只睡微笑索題詩
識字用心苦書齋聞爾爲
老人佗日愛父子莫相離

細軟青絲履階前每緩行
衰顏偶一破心跡喜雙清
詩是吾家事書從稚子擎
從容詢舊學祇似魯諸生

昔別是何處須令賸客迷
義無棄禮法跡有但羈栖
轉石驚魑魅銛鋒瑩鸛鶉
不知臨老日春鳥異方啼

農事聞人說三年望汝歸
鴛鴻不易狎雞犬亦忘機
此地生涯晚有心遲暮違
村村自花柳愁絕故山薇

稼穡分詩興泥塗任此身
於菟侵客恨牛力晚來新
勉強終勞苦從容靜塞塵
鹿門攜不遂試覓姓龐人

生意春如昨隨春入故園
自鋤稀菜甲正閉小蓬門
雨潤煙光

薄逕微山葉繁東陵迹蕪絕坐客強盤殮

宵窵一林麓屯雲對古城青芻識馬性粗粒作人情野老來看
客歸軍星散營軟沙歛坐穩誰欲致盃鬯

對酒不能喫借問有酒不尋常絕醉困來往亦風流解我憂思
結邀人晚興留歌長擊樽破庶用慰沈浮

絕域長夏晚厥土聞清涼畏人成小築養拙更何鄉久客應吾
道終朝有底忙賤夫美一睡白日到羲皇

野興每難盡長林卷霧齊泥融飛燕子沙僻舞鷓鴣雞百頃風潭
上三年落日低刺船思郢客時訪武陵溪

結纜排魚網沿流想疾徐迤迤羅水族風俗當園蔬喬木澄稀
影寒江動碧蘆花留客晚萬里狎樵漁

久待無消息自憐猶不歸雲情鷗更舞月細鵲休飛生理何顏
面榮華有是非高名前後事寥落寸心違

萬里魚龍伏天涯水氣中星垂平野濶畫列地圖雄歸羨遼東
鶴長瞻碣石鴻人稀書不到只是待秋風

客意已驚秋胡爲淹此留側身千里道獨立萬端憂野鼠拱亂
穴饑鳥集成樓涼風起天末浩蕩及關愁

竹杖交頭拄山林迹未賒風鴛藏近渚宿雁聚圓沙寺憶曾遊
處香傳小樹花所過頻問訊乘興卽爲家

客裏有所適村花不掃除晚涼看洗馬秋雨欲生魚到此應嘗
宿眷言終荷鋤眼邊無俗物眞作野人居

三歲清秋至愁連吹笛生片雲天共遠昨夜月同行卽出黃沙

在能添白髮明繁鬢不自整萬慮倚簷楹

仰看西飛翼飄然去此都今君度沙磧早作取平途舊犬知愁
恨饑鷹待一呼寸腸堪繾綣高卧負微軀

漠漠虛無裏悠悠滄海情塞雲多斷續秋至最分明光細弦初
上風吹暈已生昊天出華月碣石歲崢嶸

白首望霜天雲沙淨眇然燈花何太喜隴月向人圓對酒都疑
夢鈎簾獨未眠爲公歌此曲滿座涕潺湲

秋月仍圓夜天橫醉後參祇應盡客淚還欲攪邊心牛女年年
渡鶉衣寸寸針誰家挑錦字一寄塞垣深

刁斗皆催曉秋天不肯明羣雞正亂叫烏鵲自多驚風物悲遊
子

君王問長卿蠻歌犯星起那得易爲情

客意長東北清深隔遠關戈鋌開雪色星月動秋山多少殘生
事豈無一日還道途猶恍惚回首白雲間

黃落驚山樹天寒耐九秋虛橫馬融笛醉別仲宣樓獨坐親雄
劍開箱覩黑裘月明遊子靜絕塞豁窮愁

隱者柴門內輕香酒甃隨所居秋草淨來把菊花枝此意陶潛
解兼催宋玉悲稀疎小紅翠開拆日離披

是節東籬菊清樽幸不空露從今夜白花發去年叢垂老戎衣
窄題詩蠟炬紅無情移得汝不與故園同

前後緘書報幾時懷抱寬日臨公館靜月過北庭寒伊昔黃花
酒悲君白玉盤定知相見日衣袖不曾乾

歲月蛇常見我何良歎嗟

子生辛巳憶乙巳丁巳皆水厄已巳論論

賢人識定分富

責任生涯烏鵲愁銀漢龍堆擁白沙別來忽三載悄悄憶京華

十載考典青雲亦卷舒何時倚虛幌及此問吾廬困學違從

衆新文尙志子聖賢兩寂寞身外滿牀書

十五男兒志先旆胄子行文章亦不盡仙老暫相將磊落衣冠

地提攜日月長輕舟下吳會邛壑道難忘

二十聲烜赫差池弱冠年計疎疑翰墨志在必騰騫許與才雖

薄唯聽舉最先何當看花榮江令錦袍鮮

騎驢三十載經術昔相傳黃卷眞如律宮花軟勝絲文章一小

技名器重雙全起草鳴先路蓬萊漢閣連

四十明朝過秋期猶渡河

庚申生日使楚北歸渡滎澤

詔從三殿去月傍九霄多文彩承

殊渥濟時曾琢磨歸

朝日簪笏吾道竟如何

五十白頭翁天邊今轉蓬無名江上草到面雪山風金吼霜鐘
徹花禁冷棠紅故人入我夢清漏往時同

羈旅知交態何由見一人榮枯咫尺異意氣死生親努力輸肝
膽無心恥賤貧古來賢達士不肯易其身

盤錯神明懼陶鈞力大哉我行何到此天遣幾時回面上三年
土丹心一寸灰雲山千萬疊頭白早歸來

頭上何所有上有蔚藍天高視收人表分明在眼前此生隨萬
物爲客費多年安得騎鴻鵠行遲更學仙

厭就成都卜無勞問轉蓬詞場竟疎濶契合動昭融與與烟霞
會來看道路通筆飛鸞聳立虛室使仙童

土銜冷疎煙茅茨寄短椽徒然潛隙地一擬問高天京洛雲山
外蕃州積雪邊幾人全性命鍛翮再聯翮

喚起搔頭急衰容問僕夫古來存老馬誰分哭窮途乘爾亦已
久徐行得自娛

御鞍金駮裏意緒日荒蕪

歲晏風破肉偷存子敬瓊綠林寧小患朱紱有哀憐幸喜囊中
淨翻令室倒懸開門野鼠走莫使衆人傳

儒術誠難起書生道固殊文章差底病

廊廟偶然趨磨滅餘篇翰饑寒迫向隅豈知臺閣舊終覲在

皇都

日出寒江望京華消息遲瓜時猶旅寓樽散尙

恩慈去去才難得欣欣物自私雕蟲蒙

記憶淚點向來垂

拂拭烏皮几端居若續煎憂來藉草坐老困撥書眠所歷厭機
巧長吟阻靜便書時記朝夕不敢廢詩篇

老矣逢迎拙悲歌識者誰那能總箝口不是傲當時鳧雁終高
去鷓鴣在一枝萍漂忍流涕未敢背

恩私

天地空搔首江山日寂寥自驚衰謝力無補

聖明朝老驥思千里寒松竟後凋北歸衝雨雪霑灑望青霄

犬馬誠爲戀永懷

丹鳳誠脫身得西走從此更南征歲暮日月疾天虛風物清
淹留問蒼老公去雪山輕

擺落嫌疑久疎頑惑叮咛餘生如過鳥微分是醯雞平地專欲
倒高天逐望低故巢儻未毀依舊已銜泥

欲整還鄉旆空煩卸馬鞍

聖朝無棄物吾道屬艱難地險風煙僻天長關塞寒感

恩義不小安敢尙盤桓

詩家一標準杜陵有布衣數篇吟可老懷舊禮無違發日排南
喜今年又北歸長安若箇畔匹馬向

王畿

鍊骨調情性功安造化鑪生還今日事死地脫斯須方丈二韓
外乾坤一腐儒新歸且慰意浩蕩報

恩珠

存悔齋集卷二十二

萍鄉劉鳳喆金門

集社詩二

軍城旅夜八首

秋宿霜溪素月高老夫不出長蓬蒿三年奔走空皮骨萬古雲
霄一羽毛鐵馬長鳴不知數哀鴻獨叫求其曹何人錯憶窮愁
日焉得并州快剪刀

玉帳分弓射鹵營北書不至雁無情庭前甘菊移時晚階面青
苔先自生贖欲提攜如意舞誰家巧作斷腸聲夜聞簷葉滄江
上今日何須十萬兵

城闕秋生畫角哀謫居樽俎定誰開旁人錯比揚雄宅江上徒

逢袁紹杯獨鶴不知何事舞鄰雞還過短牆來郊扉路遠長幽
寂爲覓霜根數寸栽

錦里先生烏角巾天涯風俗自相親莫思身外無窮事只在他
鄉何處人稠道餘寒歷冰雪柴門空閉鎖松筠酒酣擊劍蛟龍
吼但覺高歌有鬼神

天入滄浪一釣舟孤城西北起高樓不知明月爲誰好更有澄
江銷客愁夜如何其初促膝歲云暮矣增離憂此時對雪遙相
憶鬢髮還應雪滿頭

憶昨逍遙供奉班愁看直北是長安魚龍寂寞秋江冷關塞蕭
條行路難萬里傷心嚴譴日百年麤糲腐儒餐相逢苦覺人情
好積雪飛霜此夜寒

綠雲擬住最高峯中有雲氣隨飛龍過客徑須愁出入故人相
見未從容翛然欲下陰山雪一老猶鳴日暮鐘指點虛無是征
路薊門何處盡堯封

獨立蒼茫自詠詩白頭吟望苦低垂開新合故置何許古往今
來共一時庾信羅含俱有宅李陵蘇武是吾師繫書請問燕耆
舊萬一

皇恩下玉墀

聞呼雨爾池荷鯽之盛漫成一首

一夜水高二尺強秋風此日灑衣裳烟絲碧草萋萋長雨裏紅
蕖冉冉香吾獨何爲在泥滓虛無祇少對瀟湘鳴鞭走送憐漁
父指點銀瓶索酒嘗

塞上曲效同谷七歌

荒戍之城石邑古黃泥野岸天雞舞
暝傳戍鼓長雲間九州道路無豺虎
吾爲子起歌都護從此將身更何許
嗚呼一歌兮歌已哀氣酣日落西風來

聖德北服南單于三城守邊卻可圖
當時四十萬匹馬不限匹數軍中須
將軍玉帳軒翠氣號令明白人安居
嗚呼二歌兮歌始放塞曲三更歎悲壯

天下郡國向萬城野曠天清無戰聲
淨洗甲兵長不用肯使騏驎地上行
叔孫禮樂蕭何律諸君固合思昇平
嗚呼三歌兮歌三發三年笛裏關山月

年過半百不稱意可憐爲人好心事
臂槍走馬誰家兒寒刮肌

膚北風利滿空星河光破碎照我衰顏忽落地嗚呼四歌兮歌
四奏雲雪埋山蒼兕吼

神仙中人不易得弟子誰依白石室虎倒龍顛委榛棘山鬼幽
憂雪霜逼赤霄元圃須往來真宰上訴天應泣嗚呼五歌兮歌
正長託身白雲還故鄉

文章有神交有道論交何必先同調一生喜怒長任真多才依
舊能潦倒途窮反遭俗眼白當面輸心背面笑嗚呼六歌兮歌
思遲被褐短窄鬢如絲

漁陽突騎獵青邱今日苦短昨日休射殺林中雪色鹿苦寒贈
我青羔裘此身未知歸定處請公一來開我愁嗚呼七歌兮悄
終曲喧庖且覆杯中滌

塞漁歌

有性齋集卷二十一
鮎魚肥美知第一金盤玉筋無消息漁父天寒網罟凍撐突波
濤挺叉入盤冰恐侵河伯宮低身直下八千尺蛟龍欲螫寒沙
水方冬合沓元陰塞鼉作鯨吞不復知俄頃風定雲墨色手腳
凍皴皮肉死江妃水仙惜不得已令拂拭光凌亂終藉隄防出
眾力鸞刀縷切空紛綸長生木瓢示真率遲暮有意來同煮天
下朋友皆膠漆道逢麴車口流涎相許寧論兩相直瑤池侍臣
已冥寞麟角鳳背世莫識星宮之君醉瓊漿鱗介腥膾素不食
龍伯國人罷釣鼈扶桑西枝封斷石長夜苦寒誰獨悲山雪河
冰野蕭颯三歲爲客寬邊愁人生歡會豈有極願吹野水添金
杯且將款曲終今夕更長燭明不可孤銅槃燒蠟光吐日

放鷹行

君不見韝上鷹側身長顧求其羣是何意態雄且傑驅出六合
梟鸞分千崖無人萬壑淨四海入荒同一雲絳之欲動轉欬仄
使我歎恨傷精魂君不見青海頭聲價款然來向東

海東青黑龍江產

冥冥孤高多烈風前飛禿鷲後鴻鵠何爲見羈虞羅中五陵豪
貴反顛倒眾鳥安肯相尊崇英雄有時亦如此好惡不合長相
蒙涼風蕭蕭吹汝急萬里寒空祇一日梁間鷲雀休驚怕草中
狐兔盡何益汝豈摧殘始發憤一生自獵知無敵朔方健兒好
身手三尺角弓兩斛力霜雪迴光避錦袖念爾此時有一擲何
必走馬來爲問會是排風有毛質彼蒼迴斡那得知此心炯炯

君應識

望京十首

自卯將及酉空催犬馬年青冥猶契闊朱紱有哀憐盤錯神明懼菁華歲月遷臣如忽至理何以報

皇天

驚定還拭淚男兒生世間蕭蕭千里馬莽莽萬重山卽事須嘗膽逢人多厚顏及茲險阻盡迴首憶朝班

滿歲如松碧增寒抱雪霜人生多錯迕衰老易悲傷竟與蛟螭雜空慚鵙鷺行

皇天德澤降早晚徧遐荒

逐客無消息蒙

恩早廁儒積年仍遠別牽迫限修途三歲如轉燭此生免荷戈

前籌自多暇步趾詠

唐虞

讀書破萬卷所貴者聖賢白頭無籍在青簡爲誰編六翻曾經
翦雙魚會早傳向時禮數隔何事負

陶甄

悄悄憶京華遲遲歸路賒百年雙鬢髮萬古一長嗟

聖哲體仁恕賢愚誠等差遙知簇鞍馬列炬散林鴉

我住日華東天邊今轉蓬令人幾悲吒此事終朦朧闔闔開黃
道乾坤繞漢宮

帝鄉愁緒外疎放憶途窮

佳氣向金闕微軀忝近臣

聖情常有眷

天笑不爲新滿目悲生事低頭媿野人餘波期救涸一起轍中
鱗

赤雀翻然至君聽空外音歲陽初盛動時物正蕭森萬象皆春
氣三年獨此心雲霄今已逼猶想映貂金

望極春城上長懷

禁掖垣別離經此地出入異中原禮樂攻吾短心肝奉

至尊萬方頻送喜

新渥照乾坤

汪蘭畬閣學請老致仕期余歸後成行重感其意集句奉

簡

通籍踰青瑣同年蒙

主恩勛庸思樹立浩蕩問詞源鶴鷺迴雙闕琳琅照一門莫看
江總老風雅藹孤鸞

感激時將晚垂名報

國餘老兄真不墜良友惜相於左轄頻虛位三車肯載書乞歸
優詔許幾地別林廬

萬里黃山北西江白谷分無才逐仙隱不是故離羣歲暮遠爲
客情親獨有君儻歸免相失紅見海東雲

我歎黑頭白君思千里尊看君用高義遇我宿心親祖帳維舟
數荒城繫馬頻明年下春水相見幾回新

答示幼子

意答兒童問歸期願早知尺書前日至綵服暮春宜成長何容
易聰明憶別離七齡思卽壯誦得老夫詩

幼女信至名在幼子後書以示嘲

反是生女好來書細作行應宜各長幼無乃太匆忙慈竹春陰
覆猗蘭奕葉光舊時元日會獻壽更稱觴

明年元日老妻
五十戲及之

示孫

裂餅嘗所愛惟有乳下孫汝曹催我老訓子學誰門發日排南
喜隨春入故園高聲索果栗識序又知恩

歸將

百戰今誰在歸來始自憐雨拋金鎖甲雪沒錦鞍韉勩業頻看
鏡喧爭懶著鞭封侯意疎闊爲報各衰年

老馬

踴躍騏驎老秋山首蒼多瘡痍向誰數筋力定如何壯士淚如水蕃兒行且歌泉香草豐潔只恐歲蹉跎

古劍

古色沙土裂吹毛任選將徒勞望牛斗每夜吐光芒百中皆用壯一失不足傷蛟龍半缺落看劍引杯長

塵鏡

本自寒女出啼痕滿面垂相逢恐恨過此贈怯輕爲雲掩初弦
月花開滿故枝誰憐一片影拂匣照西施

擬江文通雜體詩依其韻

古別離

昔別是何處不夜月臨關問君適萬里豈無一日還晨朝降白露暗滿菊花團寧辭擣衣倦徑滑衣又寒自古有羈旅徘徊悲生離妾身未分明未忍別故枝衣上見新月處處總能移

李都尉從軍

自我登隴首况得終清宴送兵五千人嗚呼淚如霰敕書憐贊普才美膺推薦風悲浮雲去人生不相見短章達我心時哉高飛鷺

班婕妤團扇

高秋收畫扇拳拳異平素淅淅風生砌翳翳月沈霧簾下宮人出相逢半新故萬象萋已碧迴風吹獨樹誰能扣君門悄悄素漣路

阮步兵詠懷

西來有好鳥好鳥不妄飛飛下十二樓神物識所歸倒懸瑤池影陋此白屋非寧爲眾鳥沒其如儔侶希竹花不結實竹露夕
微微

鮑參軍戎行

門戶有旌節前後皆輝光丈夫貴壯健他鄉勝故鄉連雲列戰格散風如飛霜勸客馳蹄羹驅兒羅酒漿急應河陽役驚呼熱中腸挺身艱難際中道許蒼蒼人馬皆自雄拔劍擊大荒慘澹帶沙礫蕩析川無梁諸將已茅土我今意何傷焉能守舊邛日夜令我藏

擬曹子建美女篇

絕代有佳人久致羅襦裳本自寒女出又非珠玉裝步履隨春
風碧蕙捐微芳劃見君子面左牽紫游韁頗謂秦晉匹已結門
閭望芳宴此時具吹簫聞笙簧豐屋珊瑚鉤特地引紅妝恩始
夫婦恭君看燈燭張驚風吹鴻鵠擇木羞鸞鳳裒衷悲生離禽
鳥亦有行豈伊常情度我在路中央安得闕親近落月滿屋梁
交會未斷絕吾今意何傷鏡奩換粉黛重上君子堂素節相照
燭靜一資隄防人生感故物配汝亦茫茫

聞

詔三十韻

幕府籌頻問誰將此議陳由來強幹地上古葛天民真宰罪一
雪太陽信深仁從容草奏罷哀彼遠征人

天子渴垂拱蒼生倚大臣何年減豺虎休作畫麒麟瘦地翻宜
粟軍須遠算縉誰云遺毒螫足以靜風塵全命甘留滯含悽話
苦辛人生多錯迕長大不容身鼓角緣邊郡關山倚月輪歸心
異波浪側頸祈高明終竟畏羅罟不勞吏怒嗔號山無定鹿衣
故有懸鶉歲月亦已久風雷肯爲伸飢寒奴僕賤意氣死生親
此輩少爲貴

皇恩斷若神願聞哀痛

詔傳語故鄉春赤雀翻然至蒼鷹愁早馴萬人尙流冗一氣轉
鴻鈞爲畫長久利難知消息真不成向南國直指照西秦

諸點

淮分徙

新疆 念爾枯形影余藏異隱淪清關塵不雜滄海闊無津磐

石圭多翦蠶崖雪似銀

國家法令在歌舞歲時新復見

陶唐理終期漢武

巡

時有詔幸陪京

諸天必歡喜萬役但平均國有乾坤大

恩傾雨露辰

神堯舊天下風俗盡還淳

送邱方伯師歸觀入關誌感

虛厯金華省東方領搢紳奈何迫物累况乃久風塵死去憑誰報窮愁怪此辰竟無宣室召絕域望餘春

昔承推獎分名玷薦賢中地下無朝燭天邊今轉蓬眼穿當落日慟哭起悲風迴首追談笑祗應吾道窮

天意高難問誰能叫

帝闈猶殘數行淚招得幾人魂搖落關山思沈埋日月奔蓋棺
事則已愁絕更堪論

黃塵翳沙漠遠道素書稀奴僕何知禮門闕誰送歸人生不再
好茲日倍多違莫作俱流落哀歌歎短衣

酬別魏明府四首

東走窮歸鶴飄飄愧此身異方驚會面何處且依仁說尹終在
口畏人嫌我真論交翻恨晚白髮好禁春

莫道新知要他鄉思緒寬試吟青玉案持答翠琅玕歲月不我
與關山空自寒人生有離合相視涕闌干

久客宜旋旆同人惜解攜喜心飜倒極回首意猶迷歲滿歸鳧

馬君期以來全身學馬蹄青山各在眼著處覓丹梯

歲還闕

存悔齋集卷二十二

十

漂泊南庭老友于觀其著詩集似欲慰窮途覓句新知

律懷君想報珠

君類年集杜亦盈三百首

幾時杯重把張翰後歸吳

存悔齋集卷二十三

萍鄉劉鳳誥金門

集杜詩三

江上

春岸桃花水無村眺望賒
風鴛藏近渚宿鷺起圓沙
江市戎戎暗津流脈脈斜
捨舟應卜地來問爾東家

江上日多雨蕭然淨客心
分明見溪畔迢遞起層陰
鴻雁幾時到龍蛇只自深
向來幽興極感動一沈吟

發武昌書懷

早作諸侯客真成浪出遊
未知天下士爲仗主人留
獨坐親雄劔開箱覩黑裘
還將徐孺榻醉別仲宣樓
水落魚龍夜山添雨

雪流乾坤萬里眼江漢一歸舟
幽獨移佳境暄和散旅愁
男兒行處是容易振船頭

送戴十一往蜀中省親

去去劔門西春風催馬蹄
雲開燕樹直天遠蜀山低
跣遊方壯流連夢轉迷
漫攜才筆到橋柱覓留題

至性歌行役辭親又省親
以茲占出處慎勿怯風塵
事近文章富歡迎父子真
時哉仗餘力及奮少年身

萬古雙峩秀行看落掌中
有懷臨此去相憶寄而翁
講學都人化傳經子舍同
加餐勞侍側江鯉饌先充

我亦耽爲客經春苦憶歸
敢輕拋祿仕時切戀庭闈
送爾嗟場綠思家託燕飛
友朋猶縋縵何以盡依依

游勾漏洞

洞在北流縣境

五嶺炎蒸地山青花欲然春生南國瘴水號北流泉豈異神仙
宅潛通小有天葛洪尸定解自覺坐能堅

洞北有石五尺許云是葛背面坐形頗神

肖

奉使典山東試以七月二十日出都途中有述

宣命前程急論文暫裏糧神仙才有數使者日相望漂蕩雲天
闊經過霖潦妨今朝好晴景行子倍

恩光

始賀天休雨西郊白露初空村惟見鳥百姓免爲魚行李須相
問輕舟進所如側身千里道平野入青徐

一望幽燕隔城陰帶水昏斷橋無復板小徑曲通村聞道淇河

拆終防市井喧欲陳濟世策計大豈輕論

任轉江東粟悲憐子女號二儀積風雨滿眼送波濤鶴鶴追飛
盡魚龍偃臥高

賜錢傾府待郡國詎噉噉

恐失東人望蒼生可察眉

陸辭寒風疎草木野水失蛟螭

大府才能會京華消息遲至今勞

聖主端拱問瘡痍

濟南館舍

日臨公館靜驛樹出城來鼓角凌天籟文章落上台

聖朝無棄物吾意獨憐才霄漢瞻佳士真宜法斗魁

癸酉七月回至京師薰亭老友已謝世歸櫬矣集句傷之

執友驚淪沒真堪託死生還偶然遂死別已吞聲詩憶傷心
處人傳世上情夜臺當北斗回首淚縱橫

會面思來札稽留伏枕辰青山各在眼白髮好禁春天意高難
問交情老更親年侵頰悵望良覲渺無因

誰肯艱難際舍情空激揚相逢雖袞袞回首一茫茫高義終焉
在斯人今則亡老魂招不得哭友白雲長

江南銘旌溼人今何處船清秋凋碧柳此別間黃泉訪舊半爲
鬼行遲更學仙莫令膠漆地有迹負前賢

蔣秋吟編修裝其尊人東橋同年志傳併題識爲冊榮其
祀鄉賢而登國史集杜句三首題之

學質天人際才名四十年文章亦不盡經術昔相傳遐汎淞江

槩醉操雲嶠篇宗儒俎豆事鄉黨敬推先

迴首追談笑波瀾獨老成官聯辭冗長旅食歲崢嶸法自儒家
有人傳世上情馮唐毛髮白祇似魯諸生

昔觀文苑博美名光史臣故人還寂寞世業豈沈淪儒術誠難
起傳經固絕倫垂之俟來者金石瑩逾新

題門人李靜齋比部洗桐軒圖

不見李先生久養親惟小園白波吹粉壁碧色動柴門雕刻初誰
料家聲庶已存

其先人有洗桐
印章因以名軒

朝陰改軒砌堂後自生萱

西掖梧桐樹俱宜下鳳凰月林散清影露井凍銀牀朝夕高堂
念風流漢署郎何當一百丈會見拂雲長

爲某守題金川轉餉圖

壯節初題柱，載驅誰與謀。江山有巴蜀，雨雪閉松州。劔動親身匣，天寒使者裘。應論十年事，高枕對南樓。

彝界荒山頂，星辰屢合圍。分符先令望，雅論在兵機。雲幕隨開府，天隅把繡衣。深懷喻蜀意，欲報凱歌歸。

萬里煩供給，軍須遠算緡。瓜時猶旅寓，戰地有浮塵。交合丹青地，君當拔擢新。人生五馬貴，熊軾且移輪。

絕塞烏蠻北，題詩蠟炬紅。戈鋌開雪色，秔稻熟天風。有客傳河尹，行間識呂蒙。西川供遠眼，相賀以成功。

題陶雲汀給諫漕河禱冰圖卽送觀察東川

有客騎驄馬，長吟不世賢。移官蓬閣後，把

詔紫微天。飯糲添香味，連檣並米船。清霜大澤凍，黃帽待君偏。

無計迴船下積陰雲雪稠幾時來翠節永夜攬貂裘途遠欲何
向江平不肯流天寒邵伯樹傍眼見揚州

舊俗存祠廟

露筋祠

村烟對浦沙寒風疎草木古屋畫龍蛇野日

荒荒白津流脈脈斜焚香玉女跪迎權舞神鴟

精禱既不昧君行佐紀綱驛樓衰柳側京口渡江航
天子多恩澤神功接混茫深懷喻蜀意早晚徧遐荒

金山寺

樓閣寄山巔蟠根積水邊江流思夏后潮海蹴吳天兜率知名
寺虛空不離禪龍宮塔廟湧勝地石堂烟

重過杭州寄贈門人楊芸士諸子

昔別是何處烟霞嶂幾重百年已過半九載一相逢汎汎浙江

槩娟娟林表峯白頭搔更短不敢強爲容

訓喻青衿子斯文憂患餘應論十年事自寄一封書明月生長好冰霜昨夜除所過頻問訊跋涉體何如

洗眼看輕薄小心事友生且隨諸彥集因見古人情去郭軒楹敞投林羽翮輕吟詩重迴首晚飯越中行

雪岸叢梅發朱樓白水邊肯來尋一老還喜得吾賢擺落嫌疑久蒼茫泛愛前義聲紛感激爲爾獨相憐

嚴陵釣臺六韻

峽外絕無天江頭且繫船空餘枚叟在新數中興年黃綺終辭漢雲臺舊拓邊君臣當共濟名器重雙全隱吏逢梅福子陵成功異魯連清風爲我起釣瀨客星懸

歸里卜居作

欲問淮王術所思烟霧微妻孥復隨我雞犬亦忘機更欲投何處今年強作歸捨舟應卜地老恐失柴扉

閒眺

野老江天豁無村眺望賒竹光團野色江沫擁春沙白髮煩多酒黃鬚照萬花羣仙不愁思富貴任生涯有客過茆宇將詩待物華碧溪搖艇闌來問爾東家

晚節嬉游簡應耽野趣長地晴絲冉冉春蕩水茫茫雲臥衣裳冷風生錦繡香花羅封蛺蝶沙暖睡鴛鴦昨屬愁春兩人扶報夕陽曉看紅溼處巢燕得泥忙

游橫龍寺

寺在吾邑城西五里

出郭眇細岑策杖古樵路連山抱西南隱見巖姿露高蘿成帷
幄林木在庭戶登頓生曾陰坐久風頗怒有時五峯氣前爲五峯山

乾坤莽迴互往者武后朝人物世不數鬱鬱三大字雄筆映干

古

太平寰宇記則天證聖中宋之問書
額龍鳴寺有迴鸞返鵲之文卽此地也

我行得遺址蘊眞

愜所遇殷殷尋地脈洞門盡徐步廣深丈尺間野圃泉自注長
魚無損鱗歲月誰與度寺中池丈許深不盈尺泉從地出巨魚
數頭出沒其間僧云不知何年所畜

莫置大水中川廣不可泝靜求元精理永與奧區固田家望望

惜雨乾怪底江山起烟霧雖未成龍亦有神世人那得知其故

重游傅司農春怡園三首

城府開清旭丹青憶舊臣重來休沐地久坐惜芳辰
馱鶴元依渚宮鷺罷囀春退朝花底散台衮更誰親

喬木澄稀影幽偏得自怡對碁陪謝傳讀記憶仇池暗水流花
徑春風啜茗時雙雙新燕子來往亦無期

有徑金沙輒深居賴獨園山花相映發風竹在華軒客禮容疎
放題詩好細論主人情爛漫宿昔奉清樽

戊寅秋夕聞

召命起官翰林恭紀卽自揚州北行別諸同學

戀

闕丹心破悠悠經十年雕蟲篆

記憶鍛翮再聯翮舊物森猶在江湖涕泣然感

恩義不小何以報

皇天

宿昔試安命杯饒旅思寬

聖朝無棄物今日起爲官
滿目飛明鏡低頭著小冠
淮陰清夜驛安敢尙盤桓

樓託難高臥誰云晚見招
今宵南極外焉得北之朝
伏柱聞周史文思憶

帝堯塵生彤管筆迴首向風聽

歡喜每傾倒同人惜解攜
昨聞多妙教公望各端倪
通籍蟠螭印全身學馬蹄
翰林名有素歸院柳邊迷

辛巳四月張茶農解元畫竹扇見貽題四首

必種數竿竹山林迹未賒
何當一百丈此地兩三家
愛畫入骨髓吟詩解歡嗟
露翻兼雨打條忽又春華

修竹不受暑新梢纔出牆看君何幽意憶昔好追涼色借瀟湘
澗風生錦繡香嬋娟碧鮮淨花嶼讀書牀

傍舍連高竹通林帶女蘿但令無翦伐亦足慰蹉跎明月生長
好秋風吹若何野橋分子細貴在映江波

相近竹參差蕭蕭挂冷枝誰憐一片影未有不陰時雪樹元同
色霜根結在茲荒林庾信宅可以賦新詩

再題四首

我有浣花竹能令朱夏寒試吟青玉案持笞翠琅玕樹溼風涼
進林饒旅思寬何時倚虛幌每日報平安

我有陰江竹深居賴獨園巢多衆鳥鬪花暖蜜蠶喧置酒高林
下讀書秋樹根無人競來往正閉小蓬門

問訊東橋竹松門似畫圖交柯低几杖空翠撲肌膚好去張公
子悲涼楚大夫清風爲我起整履步青蕪

爲問南溪竹亭深到芰荷幽棲眞簡畧生長漫漫婆娑卜宅從茲
老歲寒心匪它高秋收盡弱君子意如何

友人和集句以雨風月雪分詠復答四首禁用竹字

舍下笋穿壁當春乃發生一旬半雷雨萬里逼清明谷口舊相
得江頭人不行叢篁低地碧長夏想爲情

雨竹

萬籟眞竿瑟微風韻可聽飛來雙白鶴爲我下青冥天地空搔
首乾坤一草亭翠屏宜晚對客思迴林垆

風竹

斫却月中桂秋天晚夜涼鈎簾宿鷺起拂黛石蘿長簷影微微
落風吹細細香幾時杯重把衣露淨琴張

月竹

暮景數枝葉天邊今轉蓬休懷粉身念已作白頭翁憂我營茄
棟呼兒問朔風雪雲虛點綴花發去年叢

雪竹

辛巳秋請假歸里將出都門作

詔許歸蓬華

先朝忝從臣南圖卷雲水北極捧星辰事

主非無祿乘時各有人此生遭

聖代感激異天真

干請傷直性斯文憂患餘微生露忌刻重此憶吹噓垂淚方投
筆眷言終荷鋤相門清議衆功業竟何如

獨恥事干謁爭名古豈然徒懷貢公喜



有客雖安

命自私猶畏天高官何足論爲報各衰年

恐貽識者嗤壯心久零落此道不磷緇行色秋將
晚人情老易悲濁醪與脫粟後會且深期

青厓山人作萬樹梅花一老僧及歸山圖集杜句題其大意

只道梅花發巖棲在百層誰憐一片影供取十方僧繪事功殊
絕裒懷庶可憑歸帆挂天姥舟雪灑寒燈

江村

老矣逢迎拙
鶯花隨世界耕稼學山村地濶平沙
岸江深隔寺門如行武陵暮勝槩憶桃源

相去四五里江村八九家莫須驚白鷺但恐失桃花雨洗娟娟
淨津流脉脉斜霏紅洲蘂亂底事上仙槎

春興

春來常早起春日獨含情春草何曾歇春風吹又生曉妝隨手抹多病也身輕用盡閨中力階前每緩行

題宋梅生觀察水流雲在圖照

水流心不競悵望好林泉似得廬山路潛通小有天雲溪花淡淡石瀨月娟娟興與烟霞會巖排古樹圓

雲在意俱遲洩雲無定姿飄飄何所似處處總能移落日放船好春風暖茗時出塵背野鶴鬢髮白成絲

萬里皇華使多除南省郎水流心不競邱壑道難忘歎憶吟梁父無勞問越裳八門圍松在仙老暫相將

宋玉歸州宅名家信有之江清心可瑩雲在意俱遲未負幽棲

志都非少壯時虎頭金粟影從此數追隨

雜詩

飽聞楳木三年大奉乞桃栽一百根獨把魚竿終遠去堂西長
筍別開門

野老籬前江岸迴蓬門今始爲君開請看石上藤蘿月萬竹青
青照酒杯

江深竹靜兩三家小徑升堂舊不斜正是江南好風景夜來吹
折數枝花

故將移住南山邊郭外誰家負郭田更欲題詩滿青竹晴窗點
檢白雲篇

田居有作卽示內子

迴繼先父祖由來積德門治生且耕鑿隨事有田園松柏邨山路牛羊嶺上村年年霜露隔無夢有歸魂

結髮爲妻子於今四十年地幽忘盥櫛米盡折花鈿萬象皆春氣雙魚會早傳坐看綵翮長書入金榜懸

滿歲如松碧情親獨有君高官何足論稚子總能文正月蠶相見摩霄鶴數羣枝間喜不去鳴噪自紛紛

啁雀爭枝陞梅花年後多所親驚老瘦亦足慰蹉跎用盡閨中力誰憐醉後歌何須把官燭數問夜如何

鳳穴雛皆好俱宜下鳳凰門闌多喜氣春色是他鄉篋句新知律來書細作行團樂思弟妹獻壽更稱觴

嘯溪尊宿會兩爲粵游茲三至矣寓洪都匝月度嶺行集

題其照 甲申

人說南州路南歸自廣州江山如有待宇宙此生浮更作招提
宿真成惠遠游重來梨葉赤容易捩船頭

杖錫何來此杭州定越州近公如白雪吾道付滄洲北斗三更
席開帆八月舟雲山兼五嶺淨掃雁池頭

題汪生霽嵐尊人松陰課子圖遺照

虛閣自松聲欹斜坐不成人間長見畫春日復含情宅入先賢
傳書從稚子擎老親如宿昔莫作後功名

